

銅仁府志卷之一

天文

黔古之西南徼開闢最後地近荆梁星分翼軫前賢言之確確我
餘銅為下游分野在翼軫前賢言之確確我

國家

聖

聖相承卑法崇效

闡澤敷而


重熙洽雖在海隅咸歸

銅仁府志

卷之一

天文

覆冒銅仁在黔亦風化日新氛稷潛消嘉祥疊見矣郡
志天文曰星野曰氣候曰祥異



銅仁府志卷之一

天文

星野

銅仁府志


卷之一



星野

二

銅仁翼軫分野之圖

翼二十二星十九度四十一分位次已近
 太微垣翼明則禮樂興四夷賓服
 星經曰二十二翼如飛勢上五下五中元氣
 天子樂府主聲名東甌五黑翼下是





軫四星十八度位同翼明則天下昌四海昇平
 星經曰軫宿四星中長沙左轄右轄分上下
 軍旁三十二器府土司空對青邱子

銅仁府志

卷之一

星野

三

一統志曰宣慰司參井分野普安州井鬼分野銅仁府
 星分野黎平府翼軫之餘

謝東山志曰宣慰司

今貴州衛前衛 今貴州衛前衛 筑縣龍里新添

今貴州 平越清平興隆

今黃州威清鎮縣 平壩 今安縣 普定安

莊 寧州

安南普安畢節烏撒 今威寧州 赤水等十六衛俱參

井都勻府程番府

今定州 永寧安順鎮寧普安四州俱參

井之餘思州思南鎮遠石阡銅仁黎平六府俱翼軫之
 餘

沈思克通志曰鎮遠銅仁思州黎平四府俱柳星之餘

衛既齊志謂黔為參井翼軫分野貴陽安順都勻平越
威寧參井之餘鎮遠石阡思南思州銅仁黎平翼軫之
餘柳星分野為無據則銅鎮四郡自應與楚同占軫翼
而不入柳分也

翼宿二十二星天之樂府主俳倡戲樂又主夷狄遠客
負海之賓至星明大禮樂興四國賓凡十八度距中行
西第二星去極百四度○東甌五星在翼之南蠻夷星
也

軫宿四星主冢宰輔臣主車騎主載任有軍出入皆占

銅仁府志

卷之一

星野

四

於軫又主風軫星明則車駕備凡十八度去極一百度
○轄二星傅軫上下兩傍王侯左轄為王者同姓右轄
為異姓○長沙一星在軫宿中主壽命明則主壽長子
孫昌○青丘七星在軫東南蠻夷之國號也○軍門二
星在青丘西一曰土司空此天子六宮之門主營候豹
尾威旗○器府三十二星在軫宿南樂器之府也明則
八音和君臣平○土司空四星在青丘西主界域亦曰
司徒均明則天下豐

以上占驗出隋天文志

後漢獻帝十二年冬十月有星孛於鶉尾晉書天文志自張十七度

至軫十一度為鶉尾之次楚之分野

宋仁宗景祐元年八月有星孛於張翼翼二十二星天之樂府又主遠

夷賓服

宋神宗熙寧八年冬十月彗星見於軫詔求直言罷手

實法○彗出軫帝以災異數見避殿減膳詔求直言赦

天下詢政事之未協於民者王安石率同列上疏言晉

武帝五年彗出軫十年又有孛而其在位二十八年與

乙巳占所期不合考晉書天文志武帝泰始四年彗星見軫占曰為兵喪非五年又十年有

銅仁府志

卷之一

星野

五

星孛於軫占曰天下兵起是歲為甲午非乙巳且武帝在位二十六年非二十八年蓋天道遠先

王雖有官占而所信者人事而已裨竈言火而驗欲讓

之國僑不聽鄭亦不火有如裨竈未免妄誕况今星工

哉竊聞兩宮以此為憂望以臣等所言力行開慰帝曰

聞民間殊苦新法安石對曰祁寒暑雨民猶怨咨此無

庸恤帝曰豈若并祁寒暑雨之怨亦無邪安石不悅退

而屬疾卧帝慰勉起之其黨謀曰今不取上素所不喜

者暴進用之則權輕將有窺人間隙者安石是其策帝

喜其出凡所進用悉從之鄧綰言凡民養生之具日用

而家有之今欲盡令疏實則家有告訐之憂人懷隱匿
之慮商賈通殖貨利交易有無或春有之而夏已蕩析
或秋貯之而冬已散亡公家簿書何由拘錄其勢安得
不犯徒使噐訟者趨賞報怨畏懼者守死忍困而已詔
罷手實法

宋孝宗淳熙十三年八月日月五星聚軫

翼為火見禮記月令孟夏之月昏翼中郡城東南有石
自山半突出十數丈色赤如火名火星巖軫為水見史
記天官書註軫與巽同位巽風也火得風故郡城屢有
銅仁府志

卷之一

星野

六

祝融之災前明魏公文相鑿池火星巖上周圍約三丈
許注墨汁又大書水字巖之下建水星閣名既濟寺郡
為翼軫分野鑿池建閣皆為民禳災祈福之意

銅仁府志卷之一

天文

氣候

與楚相近寒暑亦與楚相似

銅仁氣候一日之間晴雨不同即寒暄頓易郡多山田
雖陰雨連綿赴瀉不至於潦惟久晴非所宜

銅仁府志

卷之一

氣候

七

銅仁府志卷之一

天文

祥異

明

弘治壬戌夏城中火 乙丑夏大水

嘉靖乙酉鸛雀來巢於文廟育二雛 己亥秋夜豹入

民室曉獲之 庚子三虎吼於東山之椒地為之震越

四夕復吼如前 辛丑白燕集於民舍羣燕隨之 乙

酉冬十月演武亭操兵羣雀翔集於鎗槊弗去鹿入陣

銅仁府志

卷之一

祥異

八

中

隆慶己巳冬十一月大雪雹如雞子損屋折樹

萬曆壬午夏六月有鳥集文廟鳴其聲如雷號曰柳魚

後闔郡被回祿

國朝

康熙乙巳春三月城中火房舍焚其大半嗣此或熄或起甚怪異至十月方止公署城樓營房民居盡燬 辛

亥秋七月天火忽發風雷交至頃刻兵民房屋俱成灰

燼幸存者百不獲一甚至有全家沒於火者亦有存亡

各半者男婦被難不下二百餘人舊設巡道公署行館
衙署暨知縣趙景福捐修縣治俱經焚燬一時官民露
處炎蒸棲止無地哀號之聲顛仆之狀真有目不忍見
耳不忍聞者從來火災之慘莫甚於此

雍正甲辰夏五月生臺閣蓮

乾隆四十七年旱 五十八年癸丑夏四月晦螢火出
神鳳山下盆涌叢飛流光閃爍照耀同於白晝漫延至
紗帽崖崖即郡城大龍過峽處迤邐養馬池而止池在
都司署後如火如荼郡之人聚而觀之罔弗駭然如是

銅仁府志

卷之一

祥異

九

者數夜既而微雨始漸消散逾二年有石柳鄧之變螢
為介蟲其應在兵事信然

嘉慶二十五年旱

道光元年旱 二年三年歲大熟